



सानसेयारि बड'सा

सानसेयारि "बड'सा" खरीरालाइयाव
खमज्यादि जिज्जी लोब्बा थानाय रायथाय, सख्खाय,
सल', सल'बाथा आरो हावबायारि थावनि, पार्क
बाइदिनि सायाव लिखनाय लिखिबां दैथाय ठर!
सानसेयारि "बड'सा" खरीरालाइया खेबखानानै
फोखावगोन।
बड'सायाव लिखरनायनि दुबा खालाम,
"बड'सा" खरी मोथा, जो बयबो आंगो खालाम।
सानसेयारि बड'सा मावखलि
माइब नोगोर, जोहोलाव दैमाल लामा
कक्राझार, बिदिमि-783370
Website: www.bodosanewspaper.com

BODOSA ★ A Bodo News Daily ★ Wednesday ★ 2 August, 2023 Kokrajhar, BTC, Assam ★ Vol.- 33, Issue No. 129 ★ R.N.I.Regd. No. 40994/91, Assam Govt.Regd.No.IPRD.40/2006/3, ★ Rs.8/-



आसाम सरकार
आबहावा आरो हाग्रा बिफान

बेखेवनाय



अमृत

बृकश्य आन्दलन

बिफां रांखान्थि जौगाहोनाय
आसाम सरकारनि मोनसे जागायनाय

बेखेवगोन

ड० हिमन्त विश्व शर्मा

गिबि मन्थि, आसाम

मबाइल एप/वेब पर्टेल आरो डब्लिउबिआइ पर्टेल

लाइभ थानो थाखाय

आसाम सरकारआ आसामनि समायनाखौ बांहोनो, बोथोर सोलायनायखौ होबथानो आरो नोगोरारिफोरनि गोहोखौ बांहोनो थाखाय अमृत बृकश्य आन्दलन हाबाफारिखौ जागायदों। 2023 नि 17 सेप्टेम्बर अक्टखालि सेल्फ-हेल्प गुपफोर, फ्रन्टलाइन मावफारिया, सोलोथाय फसंथानफोर आरो सरकारि मावफारियाफोरा 3 घन्टायाव 1 कौटि रांखान्थियारि बिफां-फुलि गायनो थाखाय खौसेयै सिगांबोगोन, जाय रिक्ड बुकयाव जायगा आवगिनो थाखाय गावसिनि थांखिखौ जाफुंहोगोन।

वे खामानिखौ माबोरे मावगोन?

- गनायजाथाव सुबुंफोरा होखानाय एबिए एपयाव रेजिष्टर खालामनांगोन
- जगायग्रा मिरुनिफ्राय बिसोरो बिफां-फुलि मोन्नो हागोन
- बिसोरो 17 सेप्टेम्बर, 2023 अक्टखालि बिफां-फुलि गायगोन
- बिसोरो बिफां-फुलि गायनायखौ जिय टेक आरो टाइम-स्टाम्पेड सावगारिखौ एपयाव आपलड खालामनांगोन
- गेदेर जानाय बिफांफोरखौ हाग्रा बिफानिफ्राय गनायथि लानाजाजासे फान्ना हागोन
- गनायजाथाव सुबुंफोरा मोनफ्रोम बिफां-फुलि गायनाया जाफुंसारनायनि थाखाय 100 रां मोन्नो हागोन
- 3 बोसोरनि उनाव जुदि बिफांआ जोरनानै दडब्ला बिसोरो उफ्रा 200 रां मोन्नो हागोन

3-आयनि मुलाम्फा

दरसे सोमखोर आसाम

गासैनिबो थाखाय सोमखोर आबहावा, गोमगो बार आरो मोनसे गोमगो आबहावा जगायनायखौ बांहोनाय

बारहावा सोलायनायजों

जुजिनाय

कार्वन ओंखारनायखौ खमायनानै बारहावा सोलायनायनि हेंथायै गोखौ जुजिनाय आरो जोनि ग्रह'खौ रैखाथिनाय

रांखान्थि

जौगानाय

रांखान्थियारि गोनां बिफां-गायनाया जेव्ला गेदेर जायो अब्ला साबसिन रांखान्थि फैफिन्नायखौ जगायगोन

एबिए पर्टेलयाव नायनो
थाखाय स्केन खालाम



Visit the application for complete details.

Link to the web portal : <https://aba.assam.gov.in/>

गुबुंनाय होबथा बर्ड, आसामजों लोगो नांनानै आबहावा आरो हाग्रा बिफान, आसामजों फोसावजानाय

फोरमाइथाय आरो सुबुं फोनांजाब विथोनगिरि मावख' आसामजों फोसावजानाय

Follow us [f](#) [i](#) [t](#) [v](#) [y](#) /@diprassam <https://dipr.assam.gov.in/>

आसाम बार्ता साब्सक्राइब खालामनो 8287912158

आव 'Assam' लिखनानै वाटसएप खालाम

Janasanyog/D/8079/23

कक्राझारआव गथ 'रैखाथिनि सायाव खौरांगिरि मावबादा खुंदों

कक्राझार, 1 आगस्ट: सेन्टार फर डेभलपमेन्ट एन्ड पिस स्टडिस सुंद'थे सिडिपिएसनि बान्जायनायाव साननैनि हाबाफारिजों बिटिआरनि गहाइ राजथाविनि नोगोर कक्राझारनि बड'फा नोगोरआव थानाय बड'लेन्ड आलासि जिगयसालिनि न'ब्लांआव गथ'सा रैखाथि आयदाखों लानानै मोनसे मावबादा खुं'नाय जादों। इडनिसे फनि हे फाजाबजों सिडिपिएसनि बान्जायनायाव खुं'नाय बे खौरांगिरि मावबादायाव जर'खाये बिटिआर हलामाव गथ'सा लांखारनाय, गथ'साफोरनि सायाव इनाय-उतखारि खालामनाय, गथ'साफोरखों खामानियाव



थिसन्याय, गथ'साफोरनि सायाव जिनाहारि खालामनाय बायदि आयदानि सायाव गुवारै सावरायनायनि गेजेरजों गथ'साफोरनि बेफोर जेना सोमजिनायखों माबोरै

दबथायनो आरो बेनि थाखाय मा बायदि राहा लानांगौ बेफोर गोनांथार आयदाफोरनि सायाव गुवारै सावरायनाय जायो। दिने गिबि साननि हाबाफारि बायदिथे सिडिपिएसनि मावफुं

बिथोनगिरि वासबिर् हुसेननि मासि सामलायनाने देदेनाय बे मावबादाखों बिटिआरनि गहाइ मावफुं सोद्रेमा प्रमद बर'आ बे खेवनाय हाबाफारियाव (□ 5 बिलाडआव)

दुलाराय बाथौ गौथुमनि थान्दै हान्जाया आरजिआइनि कमिसनारखौ लोगो हमदों

भारतीय धोरमनि कलुमआव बाथौजिम थिसनो बाथौ गौथुमनि दाबि

कक्राझार, 1 आगस्ट: दुलाराय बाथौ गौथुमनि मोनसे थान्दै हान्जाजों लोगोसे कक्राझार बागानसालिआव थानाय बाथौ ट्रेडिसेनेल एन्ड काल्चरेल रिसार्च सेन्टारनिफ्राय मंगलबार खालि हादतनि गोदान दिल्लीआव थानाय रेजिस्ट्रार जेनेरेल एन्ड सेन्वास कमिसनार अफ इन्डियानि कमिसनार मृत्युंजय कुमार नारायणखों लोगो हमना बर'फोरनि बयनिखुडबो गोजामसिन धोरम बाथौ धोरमखौ भारतीय धोरमनि कलुमआव बाथौजिम



जिनाहारि खालामनाय जाथायनि दायनिगिरि फरायसालिनि गोरायुंखौ जिउ जोबजासिम जोबथेसालिनि साजा होबाय

कक्राझार, 1 आगस्ट: कक्राझार जिल्लानि गंसे रेसिडेनसियेल फरायसालिनि गोरयुं डेभिद ब्राइत बसुमतारिनि दिने कक्राझारनि जर'खा बिजिरसालिया जिउ जोबजासिम जोबथेसालिनि आरो 20 रोजा रनि जुरिमानीन साजा होयो। साबा फरायसालिफोरखों जिनाहारि खालामनायनि अजदजों दिने बिजिरसालिया गोरयुंखौ दायनिगिरि मोनाने जे कचनि जर'खा बिजिरसालिया बे साजाखों होयो। भुगिनांनायनि जानानै बिजिरसालियाव जुक्ति दिन्थिफुं'नाय उकल मनजित घषआ फोरमायनाय बादिब्ला, थांनाय 2022 माइथायाव साबा फरायसालिखों गंसे गावयारि रेसिडेनसियेल फरायसालिनि



गोरयुं डेभिद ब्राइत बसुमतारिआ जिनाहारि खालामनायनि मोनाने गसर थिसनजादोंमोन। बेनि बिथायाव कक्राझारनि जर'खा बिजिरसालिनि गसर नं 15/22 बादिथे बिजिरसालिया सा 16

सुबुंफोरनि फोरमान लायो आरो नार्यबिजिराय हाबाफारिखों लायो। दिने जे कचनि जर'खा बिजिरसालिया मोनाने गसरनि जोबथा साजा फोसावो। बे बादिथे नो बिजिरसालियाव

दायनिगिरि मोननाय गोरायुं डेभिद ब्राइत बसुमतारिखों पक्स आइनि बादिथे जिउ जोबजासिम जोबथेसालिनि आरो 20 रोजा रनि जुरिमानीन साजा होयो।

दारागावआव सुबुं लांखारनाय, खोमसि फोथायनाय, उन्दै बैसोयाव हाबा लानाय बायदिनि सायाव सांग्रांथियारि मेल खुंदों

मुसलपुर, 1 आगस्ट: बाक्सा जिल्लानि भारत-भूटान सिमनानि दारागावआव दिने खोमसि फोथायनाय आरो सुबुं लांखारनाय बायदि गुबुन जेनाफोरनि सायाव मोनसे सांग्रांथियारि मेल खुंदे। मानास दारागाव इक'टुरिजिम ससाइटीनि हेफाजाबाव आरो आसाम बिज्ञान आरोंदायारि गोनांखो आरो आबहावा आफादनि बान्जायनायाव खुं'नाय बे सांग्रांथियारि मेललाव बाहागो लानाने "ग्रिन एनभाइर'नमेन्ट टास्ट फर्स आरो मिसन विरुबाला"नि सोद्रेमा अनामिका बरुवाआ बुडेदि,

आसामनि गोबां हारि-माहारिनि गेजेरव गोला समनिफ्रायनो डाइना-डाइनी होनाय खोमसि फोथायनाया समाजाव सोलिबोदों आरो बेयो मानसिफोरखों गुबुन गुबुन रोखोम खहा खालामबोदों। डाइनी होना सन्देह खालामनानेनि दिनेसिम गोबां सुबुंफोरखों बुथारबोदों। बिथाड बुबावोदि, सरकार बे बिथिनि सायाव गोखों राहा लाबोदों। डाइनी होनाय जेबो बेसाद गैया, बेयो मानसिफोरनि गेजेरव सोलिबोनाय मोनसे खोमसि फोथायनायसो। सुबुं लांखारनाय बितिडवबो सांग्रां जानो थाखाय

बिथाड खवालायहरो। आसाम बिज्ञान आरोंदायारि गोनांखो आरो आबहावा आफादनि सोद्रेमा देबजित बरआ बुडेदि, खोमसि फोथायनाय आरो गात्रि आखुथायनिफ्राय जों उदं जानो हायोब्लासो जॉनि इयुन जोलैफोर दावगालानो हागोन। जों सोलौंथाड गोनां जाबान्लो जुदि जॉनि गोसोया बिज्ञानिक सानसि थाया अब्ला समाजनिफ्राय बे गाचि आखुथायफोर जानगर जाया होन्नाने बिथाड बुडे। दिनेनि बे सांग्रांथि मेलखों देदेनो मानास दारागाव इक'टुरिजिम ससाइटीनि आफादगिरि अमरज्यति

हाजरिका। मेलाल ओन्सोलनि राइजो-रजाफोरजों लोगोसे दारागावआव थानाय एसएसबि बादानि कमानडेन्ट सि आर ठकुरआबो बाहागो लायो। मेलनि जोबथायाव डाइनी बुथारनायनि सायाव मोनसे मोक थाडारि सावथुनबो दिन्थिफुं'नाय जायो।

बाक्सायावबो मुलुगनां आहार दौनाय सप्ताह फालिदों

मुसलपुर, 1 आगस्ट: साग्रोमबो खुदियानि थाखाय बिमानि आहार जादों जिउ रेखांनि मुलि महर। जोनोमनिफ्राय 6 दान बैसोसिम सासे खुदियानो बिमानि आहार आरो नै बोसोर पैसोसिम आहार दौनाय गोनांथार। अब्लासो खुदियाना देहायारि-मेलेमरि महरें गोखों जायो। बे बिथिडाव साग्रोमबो बिमाखों सांग्रां खालामनायनि थांखिजों बोसोफ्रोमबो मुलुगनां आहार दौनाय सप्ताह फालिबोदों। राइज्योनि गुबुन गुबुन जायगाजों लोगोसे बाक्सा जिल्लयावबो दिने मुलुगनां आहार दौनाय सप्ताह फालिनाय जायो। बेनि लोब्याथे दिने जिल्ला सदर मुसलपुरआव थानाय डा: रबि बर' राइजोआरि देहा फाहामसालियाव मोनसे सांग्रांथियारि मेल खुं'नाय जायो। बे मेलखों बेखेवनाने बाक्सानि जिल्ला बैंगिरि माचान्दा पार्तिनआ बुडेदि, जों बयबो बिमाखों सांग्रां खालामनांगोनदि बिमानि आहारा खुदियानि थाखाय अमृत। बिमानि आहार सासे खुदियाखों गोबां बेरमनिफ्राय रेखाथि होयो आरो गोखों देहाजों गेदेर-गोलाव जानायाव मदत होयो। गथ'सानि थाखाय बिमानि आहारनि सोलाथे जेबो गुबुन जेबो आदार गैया। जोनोमनि उनावनो बिमानि आहार दौनांगौ आरो 6 दानसिम बिमानि आहारल' गथनसानि थाखाय गोनांथि जानाय गासैबो पुस्टिखों जनायो। गथ'सानि थाखाय गोनांथि जानाय गासैबो आदार जेसेबां गोनांथार, बे गासैबो गोनांथिखों बिमानि आहारानो सुफुंनो

हायो। पुस्टि, रेखाथि आरो बिमानि अन्याय बे मोन्थाम बेसादखों बिमानि आहारवसो मोनो हायो होन्नाने बाक्सानि जिल्ला बैंगिरिआ बुडे। मेलाल बाहागो लानाने जिल्लानि जथाय देहा बिथोनगिरि डा: मनज दासआ गावनि बिबुंथियाव 7 साननि बे हाबाफारिनि थांखिखों राइजो-रजाफोरनि गेजेरव फोरमायथिनाने बुडेदि, जोनोमनि उनाव 1 घन्टानि गेजेरवबो गथ'सानो आहार दौनांगो। गिबियाव ओंखारनाय कलेस्टूल गोनां आहारा गथ'सानि थाखाय गोनांथार। बिमानि आहारव थाना प्रटिन, फेट, भितामिन बायदिफोर गथ'सानि जौगाथायाव मदत होयो। बिमानि आहार जानाय गथ'सानि उदैनि बेराम, निउमनिया, एलाजि, भाइरल लोमजानाय बायदि बेरामनिफ्रायबो रेखाथि मोनो, गथ'सानि थैनायनि हारा बाडइ जायो आरो उनसिम डयेवेसि बायदि बेरामनि जानो हाथावनाया बाडइ जायो होन्नानेबो बिथाड बुडे। देहानि बेगं-हारनि दाथाय, मेलेमनि जौगाथायावबो मदत होयो, बेनि अनगाथैबो बिमानि आहार गेबुंले उदं आरो बेसेन नाडे। आहार दौनाय बिमा आरो गथ'सानिगेजेरव मोनसे अनलायनाय सोमजियो जाय इयुन जिउयाव सानैनिबो गेजेरव थानाय सोमोन्दोनि बिथिडव गोनांथार बिफाव लायो होन्नानेबो दासआ फोरमायथियो। गुबुन फासैथि, बाक्सा जिल्लानि उफ्रा जिल्ला बैंगिरि (देहा) डा: दिपांकर नाथआ गोबांआव थानाय बिमानि आहारनि आबुं जौगाथाय, आहार दिह्न्थाय आरो ओंखारनायनि सोमोन्दे (□ 5 बिलाडआव)

ह'म गार्डखों बुथारनाय जाथायनि लोब्बाजों सानै सुबुंखौ पुलिसआ हमबाय

कक्राझार, 1 आगस्ट: बिटिआर सदर कक्राझार सहरनि साखाथियाव थानाय आमगुरिनि दाबलेगावआव आलासि जानो फेनाने खासि-बिस्रिये बुथारनायाव ह'म गार्डनि जवान बासुदेब किस्कुखों बुथारनाय जाथायजों लोब्बा थानाय सानै सुबुंखौ दिने कक्राझार पुलिसआ हमनो हायो। हमनो हानाय सानै सुबुंफोरखों चिरां जिल्लानि गौरसिपारनि थागिरि बानिपास हेमब्रम (38) आरो कात्रिबारिनि थागिरि फिलिप तुडु (36) होन्नाने पुलिस सुलुड मिथिहोदों। पुलिस सुलुड फोरमायनाय बादिब्ला, चिरां जिल्लानि बैतल पुलिस आउट पस्टआव ह'म गार्ड महरे साखि मावनाय बासुदेब किस्कुआ थांनाय 30 आगस्टखालि मोनाबिलि समाव चिरांनिफ्राय कक्राझार सहरनि आमगुरियाव आलासि जानो थाखा मटर साइकेलजों फेबाय थारदोमोन। बे समाव लामायाव फुंनिफ्रायनो नेबाय थानाय बानिपास हेमब्रम आरो फिलिप तुडुआ



ह'म गार्डनि जवान बासुदेब किस्कुनि सायाव गोबौ हाथियारजों खासि-बिस्रिये बुथारो। गुबुन फासैथि, जाथाय सोमजिनायनि उनावनो पुलिसआ बासुदेब किस्कुनि गोथै सहखों बोखानाने जाथायनि सायाव संदानायनि गेजेरजों दिने चिरां जिल्लानि गुबुन गुबुन जायगानिफ्राय सानै दायनिगिरिखों हमनो हायो। अदेबानि सानै दायनिगिरिनि आवथानिफ्राय बुथारनाय जाथायाव बाहायनाय गोबौ हाथियासखों बोखानो हायाखेब्लाबो मोजों मोनलायनायनि जाउनावबो ह'म गार्ड जवान बासुदेब किस्कुखों खासि-बिस्रिये बुथारनायनि सन्देह खालामदों पुलिसआ। राइजो-रजाफोर फोरमायनाय बादिब्ला ह'म गार्ड जवान बासुदेब किस्कु आरो बानिपास हेमब्रमआ सासे सिख्खाखोंनो मोजों मोनोमोन आरो बेनि थाखायनो बानिपास हेमब्रमआ बासुदेब किस्कुखों बुथारदों। आथिखालाव कक्राझार पुलिसआ सदर थानायाव 265/2023 नम्बरनि गसर थिसनाने आइपिसिनि 302 दफानि सिडव सानैबो दायनिगिरिखों जोबथेसालियाव दैथायहरो।

गुवाहाटी गोजौ बिजिरसालिनि साबा बिजिरगिरिफोरा समाइखिरा लाबाय

दिसपुर, 1 आगस्ट: गुवाहाटी गोजौ बिजिरसालिनि साबा उफ्रा बिजिरगिरिफोरा दिने बिजिरगिरिमहरे समाइखिरा लायो। गुवाहाटी गोजौ बिजिरसालियाव खुं'नाय मोनसे समाइ लानाय हाबाफारियाव उफ्रा बिजिरगिरि काखेत'सेमा, देबाशिष बरुवा, मालाश्री नन्द, मालि भेनकुं आरो अरुन देब चौधुरिआ बिजिरगिरि महरे समाइकिरा लायो। गुवाहाटी गोजौ बिजिरसालिनि गहाइ बिजिरगिरि सन्पिद मेहताआ बिजिरगिरिफोरखों समाइखिरा लाहोयो।

बारापेतायाव 25 साननि हाबाफारिजों खुं'नाय गथ'सा फावथिना मावबादाया खुंफुंजाबाय

सालबारी, 1 आगस्ट: बाक्सा जिल्लासि सालबारी महकुमानि सिडव थानाय गेजेर बारापेता क्लाव आरो बिजाब बाखिनि बान्जायनायाव 25 साननि हाबाफारिजों खुं'नाय गथ'सा फावथिना मावबादाया जाफुंसार महरे खुंफुं जायो। गोलोम बोथोरनि बन्देखों मोजाडे बाहायनायनि थांखिजों बाक्सानि गेजेर बारापेता क्लाव आरो बिजाब बाखि बिबानगिरिआ 25 साननि गथ'सा फावथिना मावबादाखों खुं'नाय जादोंमोन। 25 साननि हाबाफारिजों खुं'नाय मावबादायाव गासै सा 70 निबो बांसिन गथ'साफोरा बाहागो लानायाव मावबादाया मेहेर गोनां जादोंमोन। मावबादानि



जोबथा सानखालि गथ'साफोर'बस, रबन आरो उलत-पालत' मुनि मोन्थाम गौतम दासजों लोगोसे दिन्थिफुं'नाय जायो। गथ'साफोरनि फावथिनाखों

नायनाने राइजो-रजाफोरा गोजोन्गलायो। बे हाबाफारियाव बिटिसिनि मावफुं सोद्रेमा गौतम दासजों लोगोसे ओन्सोलनि राइजो-रजाफोरा बाहागो लायो। मख'नो

गोनांदि, मावबादायाव बाहागो लानाय फरायसाफोरनो बे हाबाफारिनि गेजेरजों बान्जायगिरिआ गांफा-गांफा फोरमान लाइ गथायनाने होयो होन्नाने सुलुड फोसायो।

पुर्णिमा अखाफोरखौ फुल मुन, सुपार मुन स्टर्जन मुन आरो ब्लु मुन होन्ना मानो बुडो मिबथिनो गोनां

मोनानि समाव जों अखा हाथै मोजां बोथोराव अखांआव स्टा र गैजि एबा हाथैअल-अलंवार बायदफोरखौ नायनो मोजां मोनो। बेबायदि मोजां मोनग्राफोरनि थाखाय मोनसे जोबोद मोजां खोरं। सोलिफु आगस्ट दानआव खेबसेल' नड, खेबनै सुपारमुन नुनो मोनगोन। जेब्ला अखाफोर पुर्णिमानि सानाव बुहुमनि खाथिसिनाव फैनो अब्ला बेखौ सुपारमुन बुनाय जायो, जाय समाव अखाफोरखौ गोजानसिमाव नुनायनिखुड 14 जौखोन्दो देरसिन आरो 30 जौखोन्दो बांसिन गोजौसिन नुनो मोनो। दिने 1 आगस्टआव मंगलबारनि मोनायाव पुर्णिमा गावजों अखाफोरखौ नुनो मोनो, जाय समाव बेयो बुहुमनिफ्राय 3,57,530 कि:मि: गोजानावल' थायो। फासेसिं फेगौ 30 आगस्टनि मोनायावबो खेबसे अखाफोरा बिबिन्दो बुहुमनि जोबोद साखाथियाव फेगोन। बेखौनो ब्लु मुन मुडे मिबथिनाय जायो।



बुहुमनिफ्राय आबु जौनाय नुनो मोनो। जेब्ला अखाफोरा बुहुमखौ गिदिंखन्नाय समाव सान आरो अखाफोरनि गेजेराव बुहुमा फैनोब्ला पुर्णिमा जायो। गुबुन रावै बुडोब्ला, जेब्ला सान आरो अखाफोरनि गेजेराव 180° ख'ना सोमजियो अब्ला बेखौ फुल मुन एबा पुर्णिमा बुडे।

2. बिबिन्दो जेब्ला पुर्णिमानि समाव अखाफोरखौ सिगानि माखासे पुर्णिमानिफ्राय गोजौसिन आरो देरसिन युयो होन्नाबो बेखौ सुपारमुन बुडो। बे समाव अखाफोरखौ बुहुमनि खाथिसिनाव नुनायजों लोगोसे 14 जौखोन्दो देरसिन आरो 30 जौखोन्दो

गोजौसिन नुनो मोनो।

इंलेण्डनि देरहानायाव वर्ल्ड टेस्ट सेम्पियनसिपनि पइन्ट फारिलाइयाव सोलायदों



गोदान दिल्ली, 1 आगस्ट: इंलेण्ड आरो अस्ट्रेलियानि गेजेराव गेलेनाय एशेज सिरिजनि मेचआ थुगेबाय। गिबि खेबनै मेचआव उन जानायनि उनाव इंलेण्डनि टीमआ आवमायफिफाननै उरनि खेबनै मेचआव देरहानानै बे सिरिजआ 2-2 स्करआव डू जालांबाय। खेबसे मेचआव इंलेण्डनि टीमआ देरहानाय फासै आवगायदोंब्लाबो अखाथि थाखाय मेचआ डूआवनो दोन्थ'जादों। नाथाय एशेजनि टूफीआ अस्ट्रेलियानिसिम फेगोन। मानोना थांनय खेबनि सेम्पियनआ

अस्ट्रेलियानि टीमआनोमोन। बे मेचनि उनाव वर्ल्ड टेस्ट सेम्पियनसिप थामहिनबा डब्लुडेटिसिनि पइन्टनि फारिलाइयाव सोलायदों। पाकिस्ताननि टीमआ नम्बर-1 मासिआव जायगा मोन्दों। पाकिस्तानआ बाडाइ मेच देरहादोंब्लाबो देरहानाय जौखोन्दोआ सिगानिआव जायगा मोनानियन थाखाय गिबियाव मासि मोन्दों। गोदान पइन्ट फारिलाइनि बादिब्ला, पाकिस्ताननि देरहानाय 100

जौखोन्दोआव थाहेंदों आरो गासै 24 पइन्ट लाखिदों। पाकिस्तानआ खेबनैल' मेच गेलेनायाव खेबनैयावबो देरहादों। बेनि उनाव नैथि नम्बरआव भारतनि टीमआ जायगा मोन्दों। दासिमआव गेलेनाय खेबनै मेचआव भारतआ खेबसेआव देरहादोंब्लाबो गुबुन खेबसेआ डूआव थुगेदों। जायनि जाउनाव भारतनि देरहानाय 66.67 जौखोन्दोआव थाहेंदों आरो 16 पइन्ट मोन्दों। भारतनि उनाव अस्ट्रेलिया आरो इंलेण्डनि टीमआ थामथि आरो ब्रैथि नम्बरआव

जायगा मोन्दों। नाथाय एशेज सिरिजनि उनाव बिसोर मोन्ने टीमआ नम्बर-3 आव जुथायै जायगा आवथियो। बेसोर मोननेबो टीमआ 5-5 मेच गेलेनायाव 2-2 मेच देरहानायनि अनगायै 1-1 मेचआव डू गेलेबाय आरो मोननैनिबो देरहानाय जौखोन्दोआ 43.33 आव थाहेंदों। लोगोसे पइन्टआवबो समान 26-26 पइन्ट मोन्दों। वेस्ट इन्डिजनि टीमआ खेबनै मेच गेलेनायाव खेबसेआव जेन्दों आरो गुबुन खेबसेआव डू गेलेदों। जायनि जाउनाव टीमनि देरहानाय जौखोन्दोआ 16.67 आव थाहेंदों। गुबुन फासै श्रीलंकाआ खेबनै मेच गेलेनायाव खेबसेबो देरहायैनि जाउनाव पइन्ट आरो देरहानायनि जौखोन्दो थिसन्नो हायाखै। गुबुन फासै निउजिलेण्ड, बांलादेश आरो खोला आफ्रिकाया दासिमावबो गिबि मेच गेलेयाखै। बेबादि थासासिआव बेसोर टीमफोर उनि समाव गेलेयोब्ला पइन्टनि फारिलाइयाव गोबां सोलायनायखौ नुनो मोनबावगोन।□

भारतीय हकी टीमनि गाहाइ कचआ एसियान सेम्पियन्स टूफीनि थाखाय थियारिथिखौ फोरमायदों

गोदान दिल्ली, 1 आगस्ट: भारतीय हकी टीमनि गाहाइ कच क्रेग पुल्सनआ वृहस्पतिवारनिफ्राय जानो गोनां एसियान सेम्पियन्स टूफीआव गावसोरनि आदोबखौ लांश्रियै सोलायगोननि खोथा होदों। बिथाड फोरमायनाय बादिब्ला, 3-13 आगस्टनि गेजेराव मेयर राधाकृष्णन स्टेडियमआव जानो गोनां बे तुर्निमिन्टनिफ्राय चीननि हंजौआव जानो गोनां एसियान गेम्सनि थियारिथिआव गोबां मुलाफ्फा मोनगोन। बिथाड भारतीय टीमआ एसियान सेम्पियन्स टूफीनि थाखाय जायगासिम सौहेनानियन उनाव थांनय माखासे मेचफोरवबो गावसोरनि आदोबखौ लांश्रियै सोलायनायखौ मिथिहोनानै बेबादि स्टेटेज एबा आदोबखौ बे टूफीनि समावबो लाखिगोनखौ फोरमायदों। थांनयखौ माखासे सानफोरव दरब्रे हादरनि गेजेराव खुंजानाय तुर्निमिन्टआव भारतनि मोजाडै दिथिफुनायखौ फोरमायनाने बे समफोरव गोखौ टीमफोरजों बादायनो



नेडारलेण्डखौ 2-1 गलआव फेजेदों। भारतनि अनगायै एसियान टूफीआव जापान, करिया, पाकिस्तान, चीन आरो मालएसियानि टीमआ बाहागो लादों। बिसोर गासै मोन 6 टीमफोर रउन्ड रबिननि गेजेरजों बादायलायगोन। थामहिनबा जोबथासनायाव मोनने टीमफोर सेमिफाइनालाव सौहेगोन। भारतआ गिबि मेचआवनो चीननि हेथायै सेलेन्ज लाखिगोन। बेनि थाखाय भारतनि लेडाइ केप्तेन हादिक सिहआ जागायजेन्नाय मेचनिफ्रायनो जोबनायसिम गावसिन थियारिथिखौ फोरमायदों।□

मोनायखौ फोरमायदों आरो बेयाव टीमनि मिजिंथि बादिद्यै दिथिफुनो हानायखौ गोजोन्याय फोरमायदों। भारतआ स्पेनिस हकी फेडरसननि 100 बोसोररि गायसन्थाय सानआव खुंजानाय तुर्निमिन्टआव थामथि नम्बरआव जायगा मोन्दों। बे तुर्निमिन्टआव भारतआ थामथि आरो ब्रैथि जायगानि थाखाय गेलेनाय प्लेअफ मेचआव सोलिफु एफआइएड्स प्र: लीगनि सेम्पियन

भारतनि आदोबखौ लांश्रियै सोलायगोननि खोथा होदों। बिथाड फोरमायनाय बादिब्ला, 3-13 आगस्टनि गेजेराव मेयर राधाकृष्णन स्टेडियमआव जानो गोनां बे तुर्निमिन्टनिफ्राय चीननि हंजौआव जानो गोनां एसियान गेम्सनि थियारिथिआव गोबां मुलाफ्फा मोनगोन। बिथाड भारतीय टीमआ एसियान सेम्पियन्स टूफीनि थाखाय जायगासिम सौहेनानियन उनाव थांनय माखासे मेचफोरवबो गावसोरनि आदोबखौ लांश्रियै सोलायनायखौ मिथिहोनानै बेबादि स्टेटेज एबा आदोबखौ बे टूफीनि समावबो लाखिगोनखौ फोरमायदों। थांनयखौ माखासे सानफोरव दरब्रे हादरनि गेजेराव खुंजानाय तुर्निमिन्टआव भारतनि मोजाडै दिथिफुनायखौ फोरमायनाने बे समफोरव गोखौ टीमफोरजों बादायनो

उरुववेनि डिएग' गडिनआ फुटबलनिफ्राय आजिरा लाबाय

व्युन्सआयार्स, 1 आगस्ट: उरुववेनि जानानै खेबनै वर्ल्ड कापआव बाहागो लानाय बारग' डिफेन्डर डिएग गडिनआ 37 बोसोर बैसोआव गावनि 20 बोसोरनि फुटबल के रियारिनिफ्राय जानगारआव थानायनि थांथि लादों। गडिनआ गावनि के रियारिनि

समाव बांसिन समखौनो स्पेननि क्लाब एथलेटिक माड्रिडजों हगारदों। बे क्लाबआव बिथाडा 2010 निफ्राय 2019 सिम गेलेदों। बे सिजनआव बिथाडा आर्जेन्टिननि भेलेज सार्सफिल्डजोंबो गेलेदोंमोन। गडिनआ ससेल मिडियानि गेजेरजों गावनि



आजिरानि थांथिखौ फोसावदों। लोगोसे फुटबलनिफ्राय समनि जाउनाव जानगारनांनयनि थांथि लांनानायखौ फोरमायनानै गावनि जेब्लायबो लुबैबोनायबादि नख'रनि सोद्रोमाफोरजों थाहैगोननि थांथिखौ फोरमायो। मख'नो गोनांदि,

रंजालि गथ'फोरनि सौरा

इन्टारनेटनि दौलें माला

गोर्बोआव लाभानि अरगें

गोदान मुगानि दावगानाय मुगायाव आवगाय जेननो बयबो मिनिहाला हाला। सोरबाबा लासै लासै सोरबाबा खारसो खारसो आगानसे आगाननै आवगालाडे बयबो गोजोन गोजोन फुनि सुदेम समाव। नाथाय दुखुनांथावदि, सोरबाबा आगानसे आव सोरबाबा आगाननै आव संसारनि मायानि, मायानि हाखराव गन्नायलांनगो जायो। सोरबाबा फानदाय जादों, गोदान मुगानि इन्टारनेटनि बेन्दों आव। आरो सोरबाबा गाननांयो इन्टारनेटनि दौलें माला। सोरबाबा जानांयो हालाय हाफाय। जाय गोदान मुगानि दावगानाय मुगायाव, इन्टारनेट जों बाहाय जायो जाय गन्नायलांनगो जायोमोथो बेहेराव। जेराव हाथा हामा गोथो नुहुसहा खोनास हरा। नाथाय जाय बाहाय जाया इन्टारनेट जों जायो बेसोर संसारनि मायानि फानदायनाय निफाय देरहासादनाय।

सानसे समाव आं आंबो गावखौ थैथाव थांथाव बावसोमना नाजादोंमोन गोदान मुगाजों हानथिलांनो। आरो जागायदोंमोन आगानसे आगाननै। नाथाय दुखुनांथावदि हादियासे देरहानो गोदान मुगानि कमपिउटर मुगायाव। गन्नाय लांनो गोनां जाबाय संसारनि पाननि हाखराव। आं गावनि आखाय मुथायाव दोननो नाजादोंमोन इन्टारनेटखौ। नाथाय खाफाल गात्रि, आखाय मुथानि हमलुननायाव हादिया दोननो आं गावनि आखाय मुथायाव। मानोना आं नुस्ताबासै मिथिस्लाबासै बेनि मायानि माया पानखौ। जेराव आं बाहाय रोंडसै आं गावसो बाहाय जाबादों। जोबनायाव इन्टारनेटनि हुर हुर बाराव आं गावखौ हमाथाना लाखिनो जेवो राहा मोनिलाय। आं आनि आंगोमा जिउबावो, खोमाना लानांदों अन्थाइ बिखा गोसोजों इन्टारनेटनि दौलें माला गानना।

सनिया बसुमतारी
ककिला बनरगाव, बिस्वनाथ

टेट्रिकटिस खन्थाइ

-रैदोम बर', बाक्सा

नों
जिउवाव
थांथिनाय
मिजिं सिमां
मोगथां मुलुगाव फोसावना दा ला

नों
मिजिं
फिसिनाय
जानो हागौ
मालाबा बिलियाव हांमा सुरनाय

जाय
बयबो
सुबुंजों
गोरबलायो
बेखौनोथ' बुडे गोरबो हावार

संसार सायनासालियाव गावगोनं आगरफोरनि फेसालि, जेना जेसिजों लोगो लालायनानैसो सुखु गोजोन आरो रंजानायनि रोसिखौ मिथिस' हायो। हुरा-हुरा बाररलांनय बारदै सिख्ला मोखाथिं जायलि सिगानाय खानाय बिलाइ, जौमोनारिख बोदोर जायलासे थाफेरदोंदाबि ? नौनि गाव खारहांनय सावगारिया मिनिदों आनि मोदैखौ। सायनासालिनि भावथिना सान्दो बावदियानि सेरजाया आनि आखायाव, नौंखौ गोसोखानानै खामगिलाय अरगेंनि खामदोनायजों देंखो बोयो आं ग' ग' लिंग' बिखायाव दावदाबसे दाहा लानानै। गोर्बोआ दाबोनो खामगिलयो मिथिस्लाबे नौनि गाथोनाव माब्बाबानो गोदान दिड, आनि खर' हाजोआव जों सानैनि आद्रा सिमांफोर गोर्बोआव लाभानि अरगें जाना खामगिलयो हुर हुर।

गलाप खुंगुर बसुमतारी
बसगाव (सराइबिल), कक्राझार

जारिमिन

गुबुलें बारहावनि गोहोमाव गावखौ फोथेनो दानाजा, थांथि डड्ब्ला मुलुगा दावबायनायनि गोथां फेसालिनि दरखं मोखाजों। सोलेरनि जिउमाया दान्दिजोर नड नाथाय नौनि सिनायथिया दान्दिजोर, सोरजिनो हायोब्ला गोथां जारिमिन नौनि जिउनि दावहाथिलियाव। सुखु-दुखुआ सानफ्रोमबो सौगावफेयो बिखौ दबथायनो हानाया नौनि बिबान, थांथि लानांगोन गंसे थानसालि लुनो गोजोन, खोसैथिखौ आंगो खालामनो।

निजोम बर'
पश्सिम पानेरि, अदालगुरि

जाखेबा आंन अनजालिया बबेनि,

बे सेंग्रा बेसोनि लामायाव दुहावनाय दावदाव मोनसेनि लुबैनाय गोसोन अरथायाव समजों गोरबनानै देदैनलांनो फोलेर बाराय होलांनो मोनसे थिथायाव आसा फारिनाय सिनायमोने लाइजाम नेना थदोंमोन सिरि,। गोजोन्याय लानो सान्दोंमोन गावखौनो मानसि हिस्साबे गावदं अखाफोर बादि नुजाना गावनि सोराजों गुबुनखौ हेफाजाव होनो। सान्दोंमोन बिबार वारिनि बिबारा गेवलांनो नहुर्गोन, बेरे सिखिरि हांखायगोन। मिजिं लाना दिने थिनानै दोननाय सनानि आस्ताम गोसोम दागोजों बुंफबहांबाय। थिना दोननाय रूपानि मेदेलआ बोरयाहांबाय, नेनानै नौखो असिनाब्लाबो अनजालि साननानै। बेखौनोथ' नेवावबाय जाखेबा नौं बबेनि थं मोनगोन साननानै।

मश्री मुर्ज कान्त बन्धु
ल: सो: दिहिया
खिला-बागसा,

गोसोम जोमै

हुम-हुम बारजों मिथिस्लाबै बबेनिफ्रायबा सागलोब फेदों आनि सिथ्लायवाव गोसोम जोमैनि दाखा आनि संसाया लादों गोसोम सोमखे महर...। हुरा-हुर गावफेदों... लांगोनानि बिफां दालायाव बाना दावखा दन्दायाबो गा-गा खेफोदखौ बराय-बराय। बबे लामाजों थानो... बबे मोनसेखो फोजोबनो बोखारनो हाया-हाया मोन्दों खर'नि जेथो मालाखौ। सोर सुखांगोन... सोर बोखारगोन... नौनि जेथो गोनां जिउ जारिमिन नौं गावनो बोखाना लायाब्ला नौं गावनो सुखांना लायाब्ला।

बेलारोम बसुमतारी
फखालागि (सराइबिल)
कक्राझार

अमिताभ बच्चननि गोम स्वआ 14 आवरस्टनिफ्राय जागायसिगोन

अमिताभ बच्चननि गोम स्व 'कौन बनेगा करड पति' -15 आ जागायसिगोन। टिभिनि मुंदाखा सौथि सॉनयानि सायाव बिथा खालामनाय गेम रियेलिटी स्व 'के बिसि-15' खौ बे खेबआवबो बलिउडनि मेगास्टार अमिताभ बच्चनआ हस्ट खालामगोन। टिआरपि फारिलाइयाव बिग बिनि स्वआ दोहौ सोमजिहोने थाखाय आबुडे थियारि जादें। बे स्विनि गासै सिजनआ दासिमाव सुपरहिट जादें। बेनि गेजेरवने स्विनि गोदान प्रमआ सशेल मीडियाआव साग्लोबसारनानै थादें। बे भीडिआव 'कौन बनेगा करडपति -15' जौ



सोमोन्दो गोनां जरखा खौरां होनाय जादें। सौथि सॉनयानि सायाव बिथा खालामनाय गेम रियेलिटी स्व 'कौन बनेगा करडपति'आ थानाय 23 बोसोरनिफ्राय सुबुंफोरखौ एन्टरटेन खालामबोदें। 'कौन

होदें। कौन बनेगा करडपति-15 नि गोदान प्रम'आ रिलिज जावाय, जेराव स्विनि लन्व डेटखौ फोसावदें। बे खेबआवबो स्वखौ अमिताभ बच्चनआ गोदान आखुआव हस्ट खालामगोन। बे भीडिआव केबिसि-15 नि मोजां सेटखौ नुनो मोन्दें। बे प्रम' भीडिआव बिग बिखौ फर्मेल लुकआव नुदें। फेन्सफोरा फावखुंगुरनि बे लुकखौ गोबां मोजां मोन्दें। बे स्वआ 14 आगस्टनिफ्राय जागायनानै

समबारनिफ्राय शुकबारसिम हरनि 9 रिंगायाव टेलिकास्ट जागोन। 'कौन बनेगा करडपति'आ 2000 आव जागायदोमोन। केबिसिनि 15 थि सिजनआ सनि चेनेलआव टेलिकास्ट जागोन। अमिताभ बच्चनखौ रिलिज जानो गोनां सावथुन 'प्रजेक्ट'आव दीपिका पादुकण आरो प्रभासजौ लोगोसे नुनो मोनगोन। बेनि अनगायै कलिक 1898 एडी आरो गणपत पार्ट-1 आव नुनो मोनगोन।

गोदानै रकी भाइ जानानै फैफिन्नायनि सिगां यशआ मेकासनि सिगाडाव गिदिर शर्त लाखिदें

कनडुनि रकिं स्टार यशनि सावथुन केजिएफ आरो के जिएफ-2 आ भारतजौ लोगोसे मुलुगनाडै बो नायगिरिफोरनि गोबां अनसायनाय मोन्दें। बे सावथुनआ मुलुगनाडै 1000 कौटिनिबो बांसिनि फालांगि खालामदोमोन। रिजनेल नायगिरिफोर प्रसान्त निलनि बिथोन होनायाव बानायनाय के जिएफ-2 खौ बाख्यायदोमोन। नाथाय हिन्दी नायगिरिफोरबो रकिं भाइनि ट्य लुकनि सायाव जावलिया जादेंमोन। बे बोसोरनि 14 जुलाइआव जापाननि थिएटरआव सावथुनि स्क्रीनि खालामदें, जेराव नायगिरिफोर सावथुननि सायाव गोबां अन्नाय होदें। बेजौ लोगोसेनो मेकास'आ नायगिरिफोरनि अन्नाय होनायखौ नुनानै केजिएफ-3 खौ फोसावदें। सुलुंनि बादिल्ला, यशआ केजिएफ-3 नि बाहागो जानो थाखाय मेकासनि सिगाडाव मोनसे गिदिर शर्त लाखिदें। सुलुंनि बादिल्ला, यश आरो प्रशान्त निलआ केजिएफ आरो केजिएफ-2 नि जापानआव मोन्नाय फिनजाथायनि उनाव



आरोबाव गुबुन हादरफोराव रिलिज खालामनो थांखि लादें। यशनि सावथुनखौ गुबुन हादरआव रिलीज खालामनायनि उनावसो फावखुंगुर आरो बिथोनगिरिआ केजिएफ-3 नि शुटिखौ जागायगोन। नाथाय बलिउड लाइफआव सेबखजांजानाय सुलुंनि बादिल्ला, यशआ केजिएफ-3 आव रकिं भाइ जानानै बे समावसो फैफिन्गोन जेव्ला स्क्रीप्टखौ मोजां मोनगोन। सुलुंनि बादिल्ला, आथिखालाव बेवहाय सम नांगोन। मानोना प्रसान्त निल आरो यशआ हमदांदेंदि, केजिएफआ गोलाव समसिम सोलिने हागौ। यशआ गावनि फेन बेसखौ मोजाडै बुजियो आरो बियो केजिएफ-3 नि माखासे आलादा फोथायनाय लाखियो। रिपटनि बादिल्ला,

केजिएफ-3 आ उनाव फैगोन, नाथाय बेनि सिगां यशआ गावनि फेन्सफोरनि थाखाय मोनसे गिदिर अन्थोब लानानै फैसिगोन।

सानि देअलनि सावथुन 'अर्जुन'नि मोनसे 3 मिनिटनि सिनआ मेकासखौ जेनायाव खोरखैदोमोन

एक्शन हिर' महरै सानि देअलआ सावथुन मुलुगआव जरखा सिनायथिखौ मोननो हादें। सानिखौ गावनि मोननेबो सावथुन गादार एबा गादार-2 नि ट्रेलारआव एक्शन खालामनाय आखुआव नुनो मोन्दें। नाथाय नॅथाडा मोनथिगौना सानि देअलनि 1985 आव रिलिज जानाय सावथुननि 3 मिनिटनि सिनखौ शूट खालामनायाव नै सान नादें आरो जेव्ला सावथुनआ रिलिज जायो अक्का बेयो गोबां रां आरजियो। सानि देअलआ गावनि के रियारआव साबसिनफ्राय हामसिन सावथुनफोराव फाव खालामदें। माखासे सावथुनफोर आरैबायदि दड, जायखौ खनले-खनले



नायनायनि उनावबो आंगाया। बेबायदिनो 1985 आव रिलिज जानाय सावथुन 'अर्जुन'आ मोनसेमोन। बे सावथुनआव सानि देअलजौ डिम्पल कपाडियाखौ नुनो मोन्देंमोन। बे सावथुनआ बक्स अफिसआव रिलिज जानाय लोगो लोगोनो गोबां रां आरजिदें। मीडिया रिपटनि बायदिब्ला सानि देअलआ बे सावथुनआव मोनसे

आइकनिक सिन दड, जेराव सानिखौ बुथारनो थाखाय गुन्डा फैयो आरो गोबां गोखैयै अखा हायो। अखानि समाव बे सिनखौ शूट खालामनो थाखाय सेटआव गासै सा 1000 सुबुंफोर गं 2-2 साथा लानानै थादेंमोन, जाहाते जायखिजाया रोखोमैने सावथुननि सिननि शुटिआ आबुं जायो। बे सिनआव सानिआ साथानि गेजेरजौ थानानै गावनि

लोगोखौ बेवहायनिफ्राय खारहयो। नाथाय बे सिनखौ शूट खालामनाय समाव मेकास'आ जेनायाव गोरलैयो। मख'नो गोनांदि, जेव्ला सानिआ साथानि गेजेरजौ बारलाडे अक्का थायो गोबां खेब साथानि गेजेरव थावथायो। बे सिनखौ जायखिजाया रोखोमै नै सानानवो शूट खालामदें। जरखा बाथाया बेदि जेव्ला बे सावथुनआ रिलिज जायो अक्का बे 3 मिनिटनि सिनआनो सावथुननि जरखा जादेंमोन। सानि आरो डिम्पलनि बे सावथुननि बाजेटआ 2 कौटि रांमोन। बे एसेल बाजेटनि सावथुनआ बक्स अफिसआव 5.50 कौटि रांखौ आरजिदेंमोन।

सन्जय दत्तआ सावन दानआव नआवनी भगवान शंकरनि पुजा होदें

सन्जय दत्तआ आथिखालाव गावनि फैनो गोनां प्रजेक्टखौ लानानै खौराडाव थादें। बावैसो समाव थलापति भिजय आरो तृषा कृष्णनजौ फावखुंगुरनि सावथुन लिय' आरो डबल आइस्मार्टनि गिबि लुकखौ शेरार खालामनाय जाखांबाय। 'डबल आइस्मार्ट'आ ब्लक बास्टार 'आइस्मार्ट' शंकर'नि गुबुन मोनसे सिक्वेल। सन्जु बाबानि



बे लुकआ सशेल मीडियाआव साग्लोबसारनानै थादें। फेन्सफोरा फावखुंगुरनि गोदान आखुखौ गोबां मोजां मोन्दें। सन्जय दत्तआ शिभिनि गिदिर सिबियारि। फावखुंगुरआ समबारखालि मुम्बाइआव गावनि न'आव शिभ पुजाखौ फालिदें। बियो गावनि इन्स्टग्राम हेन्डलआव पुजानि समायना सावगारिफोरखौ शेरार खालामदें। फावखुंगुरआ सावगारिफोर पुजानि नुथायफोरखौ फेन्सफोरजौ शेरार

खालामदें। बे सावगारिफोराव बिखौ भगवान शिभिनि पुजा खालामनाय नुनो मोनो। बे सावगारिफोरसशेल मीडियाआव गोबां गोखैयै भाइरेल जादें। बे पुजाखौ फावखुंगुरआ न'नि तेरेसआव होदेंमोन। सावगारिफोरमाखासे पन्डितखौ फावखुंगुरनि खाथि खाला पुजा होनाय नुनो मोन्दें। सन्जयआ पुजानि समाव पुपुर कृतां पायजामा गान्दें। सन्जु बाबाया बोसोरफोमोनि बायदिनो बे बोसोरावबो भगवान शिबनि

पुजाखौ गासै नेमखाथिजौ फोजोबदें। सन्जयआ सावगारिखौ शेरार खालामनाय केरुणआव लिरदें। दिने शिभ पुजा खालामदें' हर हर महादेव। बे परटआव बिनि फेन्सफोरा बिखौ गोबां बाख्यायदें। सासे पेनआ लिरदें, शुटिआव नाथाबनायनि उनावबो सावनआव गोबां मोजाडै शिभ पुजा खालामदें। माखासेया कमेन्टआव 'हर हर महादेव, जय महाकाल आरो जय ह' शिभ शंकर' लिख्दें। सन्जय दत्तआ केजिएफ चेप्टर-2 जौ कनडू सावथुनआव डेब्यु खालामदें। फारसेथि आथिखालाव बियो तामिल सावथुनाव डेब्यु खालामनो थाखाय थियारि जादें। बिनि रिलिज जानो गोनां सावथुन 'लिप'आ 2023 नि 19 अक्टूबरआ रिलिज जागोन। बे सावथुनआव फावखुंगुरखौ भिलेननि फाव खालामनाय नुनो मोनगोन।

शाहरुख खाननि सावथुन जवाननि गिबि देंखोआ इडुबआव रिकर्ड बानायदें



बलिउडनि किं शाहरुख खानआ जवानजौ लोगोसे आरोबाव खनसे गावनि नायगिरिफोरनि गेजेराव फैफिनदें। सावथुन 'पाठान'नि उनावबो शाहरुख खानआ नायगिरिफोरनि गेजेराव एक्साइटेन्टखौ लाखिबाय थादें। जवाननि प्रिभिउखौ रिलिज खालामनायनि माखासे साननि उनाव शाहरुख खानआ गावनि सावथुन जवाननि गिबि देंखो 'जिन्दा बन्दा'खौ रिलिज खालामदें। 31 जुलइयाव रिलिज जानाय बे देंखोआ माखासे घन्टानि गेजेरावने इडुबआव गासै रिकर्डखौ सिफायदें। किं खाननि देंखो रिलिज जानाया 24 घन्टायानो आबुं जायाखै नाथाय बे देंखोखौ नायगिरिफोर गोबां मोजां मोन्दें। टिआरनि उनाव एटलनि बिथोन होनायाव बानायनाय सावथुन 'जवान'नि गिबि देंखोआबो नायगिरिफोरनि मोजां फिनजाथाय मोन्दें। किं खाननि बे गोदान आखुखौ फेन्सफोरा गोबां मोजां मोन्दें। बे देंखोआ 21 घन्टानि गेजेराव 29 मिलियनि खाथियाव इडुबआव भिउज मोननो हादें। 'जिन्दा बन्दा'या सशेल मीडियाआव नाम्बार 1 आव ट्रेड खालामदें। पेपि मिडिजिजकजौ लोगोसे शाहरुख खाननि मोसाणाय स्टेपखौ नुनानै फेन्सफोराबो गाव गावखौ देंखोनि मिडिजिजकआव मोसागलानायनिफ्राय हमथानो हायाखै। बे देंखोखौ अनिरुध रश्मिन्दरआ रोजाबनायनि अनगायै मिडिजिजकखौबो कम्मज खालामदें।

फावरखुंगुरि रिमा लागुआ सावथुन इन्डस्ट्रीनि मुंदाखा फावरखुंगुरिगोन

फावरखुंगुरि रिमा लागुआ सावथुन एन्डस्ट्रीनि गिदिर फावरखुंगुरिगोन। रिमाया माखासे सावथुनफोराव बिमानि फाव खालामदेंमोन आरो बिखौ सावथुन इन्डस्ट्रीनि गिदिर आरो मुंदाखा आर्टिस्टफोरजौ सानफानाय जायोमोन। खौरांनि बायदिब्ला रिमा लागुआ 25 निफ्राय बांसिनि सावथुनफोराव बिमानि फाव खालामनायबायमोन आरो गिदिर पर्दायाव जेव्लाबो बिमानि फावनि बाथाखौ सावरायनाय जायो अक्कानो बयनिशुइ गिबिसिनि रिमाखौनो गोसोखानाय जायोमोन। फोरमायनाय बायदिब्ला गिदिर पर्दायाव रिमाया गासै 7 खेब सलमान खाननि बिमानि फाव खालामनायबायमोन। सलमान खाननि अनगायै आलादा आलादा सावथुनफोराव रिमाया श्रीदेभि, काजल, करिष्मा, उर्मिला, शाहरुख खान, अजय देवगान, सन्जय दत्त आरो माधुरि दीक्षितनि बिमानि फावबो खालामनायबाय। रिमा लागुनि नुंगुबे मुड नयन भडभडे मोन आरो उन्दै समनिफ्रायनो बियो एक्टिं खालामनो मोजां मोनोमोन। रिमानि बिमा 'मन्दाकिनी' आ माराटि सावथुननि मुंदाखा फावगिरिमोन जायनि जाहोनाव बियो एक्टिं मुलुगाव जायगा मोन्देंमोन। रिमानि एक्टिंआ औरैबायदि दोहौ गोनांमोदि, बियो साइड रलआव थासेयावबो गावनि एक्टिंखौ लाना जाफुंसारनो हादेंमोन। रिमानि एक्टिंजौ सोमोन्दो गोनां मोनसे बेबायदिनो



जाथाया सावथुन 'गुमराह'जौ सोमोन्दो दड। बे सावथुनआव रिमाया श्रिदेभिनि बिमानि फाव खालामदेंमोन। मीडिया रिपटनि बायदिब्ला जेव्ला श्रिदेभिया सावथुन 'गुमराह'आव रिमानि बिमानि दोहौ गोनां फाव खालामनायखौ नुयो अक्का बियो इन्सिकवर जादेंमोन। फोरमायनाय बायदिब्ला श्रिदेभिया रिमानि एक्टिंजौ गावनि एक्टिंआ लोखं जागोन सानना गिखोंदेंमोन आरो बेनि जाहोनावनो बियो सावथुननिफ्राय रिमानि माखासे सिनफोरखौ दानहोदेंमोन। मख'नो गोनांदि, 2017 आव रिमा लागुआ रंसारि जादेंमोन।

सावथुन 'रकी और रानि की प्रेम कहानी' आ 50 कौटि रानि अन्जिमाखौ बारनो हादो

करण जौहरआ आथिखालाव 'रकी और रानि' की प्रेम कहानी 'नि जाफुंसारनायखौ लानानै गोबां रंजादें। सावथुनआ 4 सानआवनो 50 कौटि रानि अन्जिमाखौ बारदें। रणभर सिंह आरो आलिया भाट्टनि पारफेमेन्सआ सुबुंफोरनि गोसोखौ बोनो हादें। रणभरआ सावथुनआव रकी रन्थावानि फाव खालामदें, जाय सासे धोनि सुबुं आरो मुलुगनि जेबो जिंगा गैया। करण जौहरआ रणभरनि फावखौ 'पु आरो केन'नि फाव बायदि होना फोस्मायदें। रकि और रानि की प्रेम कहानीआ भारतजौ लोगोसे मुलुगनाडै गोबां मोजां रां आरजिदें। बेयो करण जौहरनि फैफिन्नाय सावथुन, मानोना गासै 7 बोसोरनि उनाव बियो माबेबा सावथुनखौ बिथोन होदें। रकी आरो



रानीनि फवखौ नोजोर होनानै सावथुन बानायनाय जादें। करणआ फोरमायदें, रकी रन्थावाया औरैबायदि सुबुं, जायखौ गोबां सुबुंफोरा मोजां मोनो। बियो गोबां फ्रि आरो बियो मुलुगनि सोमोन्दै बांद्राय मिबन्धिया। करणआ बुंबावदें, रणभरनि फावआ 'कभि खुशि कभि गम'नि

रेसलिं फेडरेशननि आफादगिरि मासि बिसायख'थिनि थाखाय साबै बिजाथिफोरा थियारिआव दड

गोदान दिल्ली, 1 आगस्ट: भारतीय रेसलिं फेडरेशननि आफादगिरि मासिनि थाखाय 12 आगस्टखालि जानो गोनां बिसायख'थिनि थाखाय उत्तर प्रदेशनि सन्जय कुमार सिंआ नमिनेसनलाइ गथायबाय। थानाय समबारखालि फेडरेशननि आफादगिरि मासिनि बिजाथिलाइ गथायनाया जोबथा सानमोन। कुमार सिंखो रेसलिं फेडरेशननि आफादगिरि बृज भुषन चन सिनि खाथि सोमोन्दो थानाय बिजाथि गनायनाय जायो। बिथांनि अनगयै आलिम्पिक भवनआव जोबथा नमिनेसन गथायनाय सानखालि सन्डिगड रेसलिं इन्टिनि सोद्रोमा दर्शनलालआ गहाइ नेहाथारि, उत्तरखण्डनि एमपि देसवालआ रांगिरि मासिनि थाखाय बिजाथिलाइ गथायदो।



बृज भुषन चन सिंआ केम्पेइनि समाव दाबि देखानाय बादिला, मोन 25 रङ्ग्यो इन्टिनि गेजेराव मोन 22 आनो सन्जय कुमार सिंजो मददआव दड। जायनि जाउनाव बिथांजो लोगोसे गासैबो मोन 15 मासिनि थाखाय गावसोरनि हान्जाखो देरहागोननि मिजिथि लादो। बिसायख'थिनि एमपि देसवालआ रांगिरि मासिनि थाखाय जम्मू आरु काश्मीर गोजो बिजिरसालिनि बारग'

सिफ जास्टिच महेश मिताल कु मारआ रटानि अफिसार बिबानआव थिसनजादो। बिजाथिलाइ बोखाना नै लाफिनायनि जोबथा अक्टोबो 7 आगस्टसिम होदो। गासै मोन 15 मासिनि थाखाय सा 30 बिजाथिफोरा नमिनेसन गथायदो। बेनि गेजेराव सा 4 बिजाथिफोरा आफादगिरि, सा 3 आ सेनियर लेइइ आफादगिरि,

सा 3 गहाइ नेहाथारि, सा 6 बिजाथिफोरा ले डाइ आफादगिरि, सा 9 रांगिरि, सा 3 बिजाथिफोरा लोगो नेहाथारि आरु सा 9 बिजाथिफोरा मावफुं सोद्रोमानि थाखाय बिजाथिलाइ गथायदो। आफादगिरि मासिनि थाखाय सासे आइजोआ बिजाथिलाइ गथायदो। मावफुं कमिडिनि सोद्रोमा महरै आइजो अनिता श्यरणआ उरिष्वाणिफ्राय बिजाथि गसदो। मख'नो गोनांदि, बिजेपिनि एमपि आरु आइजो रेसलारफोरनि सायाव देहाथारि नारिसिन्थाय खालामानयनि हेँथायै बजर पुनियानि अनगयै सा 6 टप रेसलारफोरा धना होनायनि जाउनाव बे खेबआव बारग' फेडरेशननि आफादगिरि चरण सिंआ बिसायख'थियाव गोखो विफाव लानो खाबु मोनाखै।

गोदान दिल्ली, 1 आगस्ट: भारतनि स्टार आइजो बेइमिन्टन गेलेगिरि पिभि सिन्धु आरु किदाभि श्रीकान्तआ मंगलवारनिफ्राय जागयायनाय अस्ट्रेलियान अपेनि गेजेरजो गावसोरनि गाजि फर्मखो बिदाइ होनो नाजागोन। सुपार 500 टुर्नामेन्टनि थाखाय आपग्रेड खालामानाय बे टुर्नामेन्टनि गेजेरजो सिन्धु आरु श्रीकान्तआ गावसोरनि गोनां फर्मखो लाबोफिन्नो खाबु मोनगोन। वर्ल्ड सेम्पियनसिपआ डेनमार्कनि कपेनहेगानआव खुंजागोन। सिन्धुआ सोलिफु बोसोराव मोनसेबो बिमुं देरहायनि खिथेरखो बे टुर्नामेन्टनि गेजेरजो होखारो नाजागोन। 2019 वर्ल्ड सेम्पियन सिन्धुआ जोखोमनिफ्राय मोजाडव फैफिन्नायनि उनाव मोजाडव फेनो हायाखै। जाउनाव बोसोरनि खेब 12 बिडब्लिउएफ वर्ल्ड टुर्नामेन्टफोराव बांसिनावनो गिबि एबा नैथि राउन्डआव नो जानगानांदो। सिन्धुआ करियान



कच पार्क ताए सांजो सोमोन्दोखो सिफायबाय। आथिखालाव बिथाडा गोदान कच महम्मद हाफिस हाशिमनि नोजोर लाखिनायाव भारतीय कच भिधि चौधुरीजो थियारिनि हाबा मावगासिनो दड। लानिथ्रयै टुर्नामेन्टफोराव जेन्नांनय खेबे अलिम्पिक मेडल देरहानाय सिन्धुआ अस्ट्रेलियान अपेनि थाखाय गोबाव सम मोनाय निलया। बे टुर्नामेन्टनि गिबि राउन्डआव समानरँकिनि अस्मिता चलिहानि हेँथायै गेलेनायनि सिगां

बिथाडा गावनि कचजो आदोबखो गोखोसिन खालामानयनि हाबा मावगोन। बिसोर सानैनि गेजेराव बादायनाया जोबथा खेब इन्टरेसेनेल सर्किटआव 2022 इन्डियान अपेनिआव जादोमोन आरु बेयाव सिन्धुआ देरहानो हादोमोन। बेनि अनगयै 2019 सिनियर नेसेनेल सेम्पियनसिपआवबो सिन्धुआ चलिहाखो फेजेन्दोमोन। श्रीकान्तआबो सोलिफु सप्ताहआव देरहानो हायाखै। बिथाडा जापान अपेनिआव चीना

ताइपेनि थियेन सेनखो फेजेन्दोबलाबो भारतनिनो एइसए प्रनयजो जेनांदो। जापाननि केन्ट निस्मित'नि हेँथायै बे खेबआव बिथाडा गावनि गोरोन्थिफोरखो नोजोर लाखिनागोन। फेगो 21-27 आगस्टनि गेजेराव डेनमार्कनि कपेनहेगानआव जानो गोनां वर्ल्ड बेइमिन्टन सेम्पियनसिपआव बिथाडा मोजां फर्मखो लाखिनो नाजागोन। बे सिजनआव प्रनय, लक्ष्य सेन आरु मुलुगनि नैथि नम्वरनि जरा सात्त्विकसाइराज रेन्किरेङ्गु-सिराग शेतिआ मोजाइ दिन्थिफुन्दो। सात्त्विक आरु सिरागआ बे सिजनआव खेबबै बिमुं देरहाखांबाय। नाथाय वर्ल्ड सेम्पियनसिपनि थियारिनि थाखाय बेयाव बाहागो लानाय नड। प्रनय आरु सेनआबो बे सिजनआव बिमुं देरहाखांबाय। प्रनयआ खेबथाम क्वार्टर फाइनलाव सौहैदो आरु मालएसिया मास्टर्स सुपार 500 नि बिमुं देरहाखांबाय।

लियनेल मेसिआ फिफा वर्ल्ड काप 2026 नि सायाव इसारा होदो



ब्युन्स आया, 1 आगस्ट: आर्जेन्टिना टीमखो फिन खेवसेबाव फिफा वर्ल्ड कापनि बिमुं देरहाहोखानाय मुंदांखा फुटबलार लियनेल मेसिआ लानिथ्रयै खोरफोरनि हेडलाइनआव जायगा मोन्दो। थानाय माखासे सान सिगांसो बिथाडा गावनि इनस्टाग्रामआव आर्जेन्टिनि जासि गान्नाय माखासे सावगायिफोर शोयार खालामादो। जेराव बे जासिखो डि'ए' माराडनाआ

1994 आव आमेरिकाआव खुंजानाय फिफा वर्ल्ड कापनि समाव गान्दोमोन। बे देसखो लियनेल मेसिनि गेजेरजो आर्जेन्टिनि रंसारि फुटबलार माराडनानि सोगोयारि आर 'ज गावनायनि समाव नुनो मोन्दो। बेनि उनाव गोबां फेन्सफोरानो 2026 आव जानो गोनां फिफा वर्ल्ड कापखो लानानै मेसिजो सोमोन्दोआव माखासे खोरफोरखो दाबि देखानोमोन। 2022 आव

काठारआव जालानाय फिफा वर्ल्ड कापआव आर्जेन्टिनाखो जासिगोन होन्नानै फोसावदोमोन। लोगोसे जानो गोनां वर्ल्ड कापआव गावनि जानगायएव बाहागो लागोन एबा लायैनि सायाव रोखा फोसावदोमोन। नाथाय आर्जेन्टिनि जासि गान्नाइ इन्टर मियामीनि फरवाइ मेसिनि सावगायि शोयार खालामानयनि उनाव गोबाडनो जानो गोनां वर्ल्ड काप टुर्नामेन्टआव बिथांखो बाहागो लागोननि मिजिथि लादो। नाथाय मेसिआ थानाय बोसोरावनो काठारआव गेलेनाय वर्ल्ड कापखोनो गावनि जोबथा टुर्नामेन्ट फोसावदोमोन। खेब 7 बेलन-डिअर बान्था देरहानाय मेसिआ फ्रान्सनि हेँथायै 2022 वर्ल्ड कापनि फाइनलाव टीमखो मोजाइ देदेन्दोमोन आरु मेचनि सिगां मोनसे सोमोनांनय बाध्रा फोसावदोमोन। बे समाव बिथाडा

वर्ल्ड कापआव गावनि बे जासि गान्नायखो जोबथा जासिगोन होन्नानै फोसावदोमोन। लोगोसे जानो गोनां वर्ल्ड कापआव गावनि जानगायएव बाहागो लागोन एबा लायैनि सायाव रोखा फोसावदोमोन। सोलिफु दाननि जागायजेन्नायाव अस्ट्रेलियानि हेँथायै आर्जेन्टिनि लोगोयारि मेचनि सिगां लियनेल मेसिआ मोनसे फोसावथि होदोमोन। बेयाव बिथाडा थानाय वर्ल्ड कापआ गावनि जोबथा टुर्नामेन्ट नडामोन होन्नानै फोसावदोमोन। लोगोसे जानो गोनां समसिमआव गावनि थासारिनि सायाव नोजोर लाखिनानैसो थिरांथा लागोननि सायाव बाध्रा बुंदो। नाथाय मेसिआ दासिमावबो मावख'यारि महरै फिफा वर्ल्ड कापआव बाहागो लागोन एबा लायैनि सायाव रोखा खालामाखै।

चेस वर्ल्ड कापआव भारतनि प्रज्ञानन्दआ बाहागो लागोन



गोदान दिल्ली, 1 आगस्ट: भारतीय चेसनि मुलुगआव जाफुसरनाय बिदा-बिनावावनि जरा फारियै प्रज्ञानन्द आरु भैशालीखो वर्ल्ड कापआव बाहागो लानाय नुनो मोनगोन। बिसोर सानैआ चेस

अलिम्पियाडआव टीमआव मेडल देरहानायनि अनगयै सिंगेल्स केटेगोरिआवबो ब्रन्ड मेडल देरहानाय मुलुगनि गिबि बिदा-बिनावावनि जराबो जानो हादोमोन। प्रज्ञानन्दआ मेगनास कार्लसनखो गावनि गुरु

मानियोबला भैशालीआ बिस्वनाथन आनन्दखो गावनि थुलुंगनि फुंखा गनायनाय लयो। थानाय माखासे साननि सिगांसो प्रज्ञानन्दआ चेसआव 2700 मेजिकेल स्कर बारासो हादो। गुबुन फासै भैशालीआ तुर्कि लीगआव मोजाइ दिन्थिफुन्दोने ग्रेन्डमास्टर जानायनि फासै आवागयदो। वर्ल्ड कापनि थाखाय भैशालीआ चेन्नाइनिफ्राय आरु प्रज्ञानन्दआ हांगेरिनिफ्राय दावबायनायनि सिगां चेस बेस इन्डिया आरु माखासे खोर बिजोनि गेजेरजो गावसोरनि सान्दंथिखो फोसावदो। गावनि टीमनि लोगो गेलेगिरिफोरनि सायाव प्रज्ञानन्दआ डि गुके शखो बाखनायनायनि बिथांखो गावनि सायाव गोबां फोथायथि गोनां गेलेगिरि फोरमायदो। लोगोसे गावनि

मावनाय गोरोन्थिफोरखो सुद्रायनो जेब्लायबो थियारि जानायखो फोरमायो। अर्जुनखो बिथाडा मोजां अपेनि खालामाग्रा गेलेगिरि फोरमायनाय गासै इभेन्टिनि अपेनिआव मोजाइ दिन्थिफुन्दोने टीमखो रैखाथिसिम लांग्रा होन्नानै फोसावदो। लोगोसे गावनि ट्रेनिनि सोथिआव आरबि रमेश आरु बिस्वनाथन आन्दनिस्मि गहाम हामलायथिनाय हरदो। भैशालीआ गावनि थांखिनि सोथिआव ग्रेन्डमास्टर बिमुं मोनफुनाया गावनि गिबि थांखि होन्नानै फोसावदो। गावनि खेबनै ग्रेन्ड मास्टर बिमुं देरहानायखो फोसावयनाय सिगां फासै भैशालीआ रेटिआव आवागयांनोनि गोनांथिखो फोसावयनाय सोलिफु समाव बेनि थाखाय हाबा मावनायखो मिथिहोदो।




सत्यमेव जयते
आसाम सरकार
रोगाथाय विफान

गारि बिगोमा आरु ड्राइभिं लाइसेन्स बिगोमाफोरनिस्मि खेबसे खाबु

नौंथानि गोजाम मेनुयेल पेपार ड्राइभिं लाइसेन्स (डिएल) आरु
रेजिष्ट्रेसन सार्टिफिकेट (आरसि) खो डिजिटाइस खालाम

1 आगस्ट, 2023 निफ्राय जागायगोन

गासै मेनुयेल पेपार ड्राइभिं लाइसेन्स आरु रेजिष्ट्रेसन सार्टिफिकेटखो 3
दाननि गेजेराव जुदि डिजिटाइस खालामब्ला इनभेलिड गनायनाय जागोन

आर'ज खालामनायनि राहा

नायनो गोनां:

3 दाननि उनाव डिजिटाइस खालामै
डिएल/आरसिखो एमभि एक्ट एन्ड रुल
बायदियै आइन राहा लानाय जागोन

स्टेप 1- बेकलग डाटा इन्ट्रिनि थाखाय www.parivahan.gov.in आव आर'ज खालाम
एबा आडार अटेन्टिकेसनजो साखाथिनि सिएससिआव थां, आरु नौंथानि गुबै मेनुयेल
डिएल/आरसिनि कपिखो आपलड खालाम।

स्टेप 2- आसामनि लाइसेन्स आरु रेजिष्टरि अट'रिटिखो सायख', जाय डिएल/आरसिखो हरदो।

स्टेप 3- गनायथिनायनि उनाव, डिजिटाइस डाटाखो सारथि/बाहन पर्टेलायव आर'ज खालामनाय
बायदियै गोबाइ मोनो हागोन

स्टेप-4- डाटा डिजिटाइजेसन जानायनि उनाव डिएल/आरसि बिगोमाफोरा गोनांथि जायोब्ला
आरसि/डिएल दिहुनफिन्नायनि थाखाय अनलाइन आर'ज खालामनागोन आरु आद्रा
थानाय एमभि खाजोना/मासुल/जुरिमाना बायदिखो होनांगोन।

फोरमाइथाय आरु सुबुं फोनजाब विशोनगिरि मावख' आसामजो फोसावजानाय

Connect with us [@diprassam](https://www.facebook.com/diprassam) [@diprassam](https://www.instagram.com/diprassam) [dipr.assam.gov.in](https://www.youtube.com/diprassam)

आसाम बार्ता साब्सक्राइब खालामनो 8287912158 आव 'Assam' लिरनानै वाटसएप खालाम

Janasanyog/D/8105/23